

فیه فی الحقیقۃ

— (بی) هر شهر عربی ابتدا سیاه اون بشده نشر اولنور (بی) —

جلد ۵ — جزو ۵۰ [فی ۱۵ ذی الحجه سنه ۱۳۰۳] نسخہ می ۳ غروش

باخصوص مرثیه مجبوت عنہا نیک بشنخی و صولک مصرعلرنده کی (خله)
 و (مضمحلہ) کلمہ لری دخی ناطق اولہ جنی اوزره بونشیدہ مزبورہ مخیالہ
 لساندن اولوق اوزره عربار طرفندن اختراع اولغش منظوماتدن بولندیغنه
 ذکر اولنان کلمہ لری بذاتہا بنیہ در .
 ابوالضیا

بیروک فرددریقک خصوصیت احوالی

[مابعد جزو ۱۹]

فرددریق کندیسینک (دون کیشوت) یعنی سرسری قهرمان
 و یاخود یوریش، الآن یورز و الی نہایہ یوری یه جک بر « اختیار قهرمان »
 اولدیغنی سولیلرک تلذذ ایدر . و بعضاً مقام اشکاده « کوکجه سنہ بر عمر
 کجیر یورم » دیر ایدی . فی الحقیقہ مشار الیهک قیافتی بوسوزینی بردرجه یه
 قدر اثبات ایدر ایدی . زیرا کندیسینی البسه سنہ اصلا اہمیت و برمز
 ایدی . حتی مائی چوخہ دن کیدیگی سترہ سی برگون محاربه ائساندہ بیرتلش
 اولدیغندن یرتیلان محانی بیاض ایپلکله و کندی الیلہ دیکمش ایدی .
 شابقہ سنک اطرافی یاغلانمش و البسه سنک ہر طرفی پیرامش ایدی . فقط
 کندیسینی بواسکی البسه سنی یگی لباسلرینہ ترجیح الیلہ دائماً اکتسا ایلر و آره
 صرہ بگا « دوستم ! بن ترین گبی، تکلف گبی شیلرہ اسیر اولہم . بندہ
 تقاخر یوقدر ؛ بنی فصل گور یور ایسہک اویلہ تیلیسک » دیر ایدی .

برگون قرالہ بوتسد امدن قوللق گوندرمش ایدی . قوللقلر براز
 اوزونجہ اولمسندن قرال بونلرک ہپسنی اورتہ سندن کسہرک آلتی چفت ایکن
 ۱۲ چفت پایدی . و بگا « بنم قوللقلرم پک اوزون اولماملی در . چونکہ سن
 بیلیرسک کہ بندہ پیس برعادت واردر . قلمری قوللقلرمک اوستندہ سیلرم .
 بوگا ایسہ بوقدر گوزل یانلش قارگی قوللقلر تحمل ایدہمز . اینی برعادت دکل
 اما فصلسہ بن بویلہ شیلرہ پک دقت ایدہ میورم والسلام » دیشیدی .

مشار اليك سوس دنيلان شيه قطعاً مراق يوق ايدى . جزمه لرى
 آياغنده راحت طور سونده بيجى نه يولده اولورسه اولسون اصلاً اهميت
 و يرمز ايدى . مع مافيه آراقده آياقلىرىك اوشودىكندن شكاي ايلر ايدى كه
 بونك سبب حقيقيسى جزمه لرىك سوكولش اولسى ايدى .
 قرال اكثرثيا نفسنه متعلق سوز سويلهرك تحفلق اولق اوزره كندى
 كندىسيه استهزا ايلردى . برگون نغزده شويله بر محاوره بچدى :

قرال — بنده اصلاح اولغفه محتاج برشى واردر . اوده صورتم دركه
 متاديا اسپانيا انفيه سيله ملع اولقده در . بوانفيه چكمك مستكره برشى ايمش .
 طوغرى سويليورم ، برازطوموزجه دكليدر ؟ (que j'ai l'air un peu cochon)
 سكا سويليورم طوغرىسي بودكلمى ؟

بن — طوغرىسي سويليم افندمز : يوزكرو اوستكرو باشكرو
 انفيه مستغرقدر .

قرال — آدم . ايسته بن بوگا برازطوموزجه اعتياد ديرم .
 مشار اليه نفسى حقنده نه قدر جبار و مرحتمز ايسه قرناسى حقنده
 اورته رحيم و شفيق ايدى . مثلاً ماصهك اوزرندن انفيه قوطيسى آلديرمق
 ايچون اوشاق چاغرر و بويله جزؤى برشى ايچون بيله بنى زحمتدن
 اسرگر ايدى . بشقه براوطيه گيده جگى زمان شمعدانلى كنديسى انئه آلوب
 گوتورر و حيقه جنى اوطهك بخره لرى آچيق ايسه بالذات كنديسى قاپاردى .
 بوستامده برمايس كچه سنده مصاحبت ايدركن وقيله برلينده تماشا
 ايلديكى براو پرادن بحث آچش ايدى . فقط او پرانك اسمنى بردرلودر خاطر
 ايده ميوردى . و بكا او يونك بعض پارچه لرى تعريف ايتديكى حالده
 بنده فلان او يون اولمى ديمكه مقتدر اوله ميوردم . نهايت برچوق مدت
 دوشندكدن صكره انكمزده ياتقى اوزره اوطه لرمزه چكلك . فقط كنديسى
 او پرانك اسمى خاطر بنه گلمينجه اويويه ميه جفى سويلهرك وداع ايتشيدى .
 برده باقدمكه كچه يارب سندن صكره اوطه مك قپوسى اوريلور . اويانوب

سؤال استدیگمده قرال طرفندن برپوصله گوندردلیگنی خبر و یردیله . قیوی
 آچوب کاغدی آلدیم . شوسوزلری یازمش ایدی : « آرادیم اسمی بولدم .
 » اوپرا (مونته زوما) در . بن شمدی اویقویه طالییورم . سنده بنی
 » تقلید ایله . بوصله بنی محضا سزی دوشکدن قورنارمق و راحتسز برکیجه
 » امراار استدرمامک ایچون گوندردم . کچهک خیر اولسون عزیزم . »

حال بوکه بوصله واصل اولدیفی زمان بن اویقویه طالالی ایکی ساعتی
 کچمش ایدی . راحتسز اولان بن دگل بلکه کندیس ایدی .

برگون وظائف حکمدارینسک آغراغسندن بحث ایلدیگی صره ده
 دیدی که : « یلززسک دوستم . دنیا به حکمدار صلبندن کلک مقدر ایش .
 » باری پدرمک اوچنجی و یا ایکنجی اولادی اولسه یدم نه اولوردی . وظیفه
 » شناس بر حکمدار ایچون راحت ایتسک شویله طورسون خسته اولمغه بیله
 » وقت یوقدر . شولغویات ایله کچن دملری عجبا امور عباد حقنده مکلف
 » اولدیم خدمتاهمی محسوب ایده جگم . بن کندی افعالمک مؤرخ صفتیله
 » سویلیورم . اگر کندی تاریخنچی یازه حق اولسه م ، فیا سولاق نامنه نه قدر
 » بهوده زمان صرف ایتش برگوزه اولدیفی ، وظیفه اصلیه مک اونده برینی
 » بحق ایفا ایده مدیگمی اصلا کتم ایتمز ایدم . کیم بیایر بنم زمانمی ضبط
 » ایده جکلر آره سنده بوحقیقتلردن غافل نه قدر مؤرخ بولنه جقدر . ایشته
 » بن تاریخنک و با خصوص حکمدارلردن بحث ایدن تاریخنلرک حقیقتدن پک
 » بعید بولندقلرینه و زمانمی یازه حق پک چوق صاحب ناموس و حق شناس
 » مؤرخ بولتقله برابر هیچ بریسی بنم نه درجه لره قدر ایفای وظیفه استدیگمی
 » تعیین ایده مدکدن بشقه گوردیگم بعض جزوی خدمتلی پک بیوک عد
 » ایده جکلرینه و حاصلی مؤاخذیه شایان احوالی بیلکسزین قطعاً اهمیتی
 » اولمیان افعالمه اوغراشه جکلرینه و بناء علیه بنی اولدیم کبی تصویر
 » ایده میه جکلرینه حکم ایدیورم »

مشار الیه فطرة حلیم اولمسندن هر نه قدر شدتلی بر تربیه گورمش

ایسه ده بینه رقت و مرحت ایله مزین بر جوق حسیات عالیّه محافظه ایشلدر.
مثلا راسینک آنارینی اوقودینی و بعض رقت آمیز یزری گلدیگی صرده ده
گوزلری طولار و تازاتسندن سسی بوغولور، و دیر ایدی که: «خیر! دوام
ایده میه جگم. بوراسین بور کیچی باره لیور» بناء علیه تحمل سوز اولان
پارچه لره تصادف ایلدیگنسه کتابی قاپادقدن صکره اوپه ایچنده آشاغی
یوقاری گزینورکن بینه آغلامقده دوام ایدردی.

مشار الیهک پدری، اوغلنک کتاب اوقومسینه مساعده ایتماش اولدینی
حالدّه فره در یقن عمرینی کتب عقاید مطالعه سینه حصر ایش مقدم بر راه بدن
زیاده کتب متوعه مطالعه ایشلدر. پدری رقص ایش سینه دخی مساعده
ایتماش ایکن فره در یقن رقصده دخی کسب رسوخ ایشلدر. فقط ۱۷۵۰
سنه سندن بری رقصدن وازچمش ایدی. بونگله برابر بینه اصول رقصی
اونوتماش ایدی.

فره در یقنک غایت اعلا فلاواطه چالیدینی معلومدر. مشار الیه
بو اگنجه سینه انشای حربده دخی مداومت ایلر و هرگون بر ساعت فلاواطه
چالار ایدی. کندیسسی بونی هضم طعام ایچون بیوک برمدار عد ایلردی.
قرالک علم طبیده دخی معلوماتی وار ایدی. برگون بوتستامده
خسته لندیگم صرده ده قولدن در حال کندی الیه قان آلهرق اعاده صحته
خدمت ایشیددی. برگونده اردوده معینه مأمور اولان بر بوریزن شدید
برحمایه طوتلیدینی و اطبا کندیسندن ال چکدیگی خالدّه فره در یقن بالذات
رتیب ایلدیگی بر معالجه ایله بوریزنی ایکی گون ایچنده شفایاب ایشیددی.
مشار الیه کل یوم پوسته نک کتیردیگی مکاتیبک عمومینی بالذات
آچاردی. بر جوق مکتوبی گوزدن کچیر مکده کی مهارتنک امثالی گورلماشدر
دینسه شایاندر. چونکه یگریمی اوتوز مکتوبی سطحیجه سوزدکن صکره
بردها هچ بریسنه باقمه محتاج اولماق اوزره اوتوزینه دخی جواب یازه

بیایردی. جوانی یازلیه حق مکتوبلری ایسه حفظ ایتک معنای اولدیغندن
ییرتوب آتاردی.

فره دریق اولوچ قلعه سندن مفارقت ایلدکن صکره اوسه تریالیر
خطوط مخاربه نی کاملاً ضبط ائتش اولمندن تمام اوچ هفته هج بر مکتوب
آلامش ایدی. نهایت یگریمی گوندن صکره بر قاج چانطه نی مستصحب
اولدینی حالد بر پسته جی ظهور ایلدی. قرال مکاتیک و صولنه اودرجه لرده
مشتاقانه انتظار اوزره ایدی که پسته جینک گتیردیگی چانطه لرک جمله سنی
اوطه سنه جلب ایدرک کاتب خصوصیی (آهل) نزدنده بولندی حالد
چانطه لری فرط تهالکله آچه رق ایچلرندکی مکتوب پاکتارینی، او پاکتارک
کندیسنه عائد اولوب اولدیغنه دقت ایتکمیزین آچوب اوقومغه باشلامشدر.
نهایت موسیو آهل کندیسنه عائد اولمیان محرراتی دخی اوقومقده اولدیغنی
اخطار ائنگله عقلی باشنه گله رک بشقه لرینک مکتوبلرینی ترک ائلمشدر.
بووقمه پک تحف اومش ایدی. قرال مکتوبلره اوقدر اشتیاق
ایله صارمش ایدی که مکتوبلرک بعضیسی تمامیه بورشمش و برطاقی یرتلش
ایدی.

(مابعدی وار)

الی سنه دن بری آمریکا

قطعات قدیمه خلقی سهینه عادیه سرعتیه ترقی ایدیور. آمریکا
اهالیسی ایسه اکسپرس سرعتیه ایلرولور. بوقضیه نک درجه سختی ارقام
ایله تعیین ایچون موسیو آندره قارنه ژینک اثر تدقیق اولان (.....) الی
سنه دن بری آمریکا) عنوانی تألیفه مراجعت ایدم.

اول امرده تکر نفوسی نظر اعتباره آلام. بوالی سنه ظرفنده
انگلتره اهالیسی ۱۰ میلیون، فرانسه اهالیسی بش میلون، تراید ایتدیگی
حالد ممالک محتمه ده ۳۰ میلیون نفوس آرتمشدر. اگر بوترق نفوس یارم